




BIBLIOTHECA
UNIV-JAGELL
CRACOVENSIS


585581

Mag. St. Dr.

Mag. St. Dr.

I









585581

Mag. St. Dr.





72

H. H. gl

PASTOR PERCVSSVS,

Seu

Acerbæ, & ignominiosæ mortis

HUMANATI VERBI

IESV CHRISTI

REDEMPTORIS NOSTRI

Pro peccatis mundi crudelissimè occisi

MEMORIA,

Renouata in gratiam peccatorum.

Per

HYACINTHVM PRZETOCKI

Pleb. in Wysoka.



CRACOVIAE,

In Officina Typographica Francisci Casary.



FRamea suscitare super Pastorem
meum, & super virum cohærentem
mihi, dicit Dominus exercituum: *Per-*
cute Pastorem, & dispergentur oves. Za-
char. cap: 13.

585581

I
Approbatio.

EGO IACOBVS VSTIENSIS S.Th. Doctor,
per Diœcesim Cracouiensem librorum Censor,
legi acerbam & ignominiosam IESV CHRISTI
Redemptoris nostri Passionem, elaboratâ oratione,
cui titulus PASTOR PERCVSSVS, &
suavi metrorum penicillo ab Adm. Rñdo D. HyA-
CINTHO PRZETOCKI, Plebano in Wysoka,
quasi oculis subiectam, & sicut doctrina Catholica
fidei per omnia conformem, ita duris pectoribus
emolliendis ad compatiendum Christo Domino no-
stro valdè accommodatam. Proinde ut typis possit
euulgari, do, & concedo facultatem.



1971 K 150 ST D



Ad Lectorem.

Nemere, quisquis Christi ouis es, quæ pro Te, Pastor Pastorum Christus IESVS patitur. Non est dolor, sicut quo cruciatur, ad te, passis in cruce manibus clamat, gemitque frustra, qui pro te moritur. Vide poenas, quibus afficitur; vide clauos, quibus confoditur, vide lanceam, quâ barbarè admodum cruentatur. Vide, & simul audi, ad singula tuorum scelerum proritamenta, inclamantia diductis foratibus vulnera. Quod scelus eius? quæ noxa? quæ causa mortis? quæ occasio damnationis? Tu certè homo causa doloris eius, tu culpa occisionis. Tu passionis liuor, cruciatuum labor, vulnerum inflictio, mortis poena, vindictæ iocus, turpeque flagitium. Et iam tenebis hic amans fletum? iam videns tot virgas, tot spinas, tot pretiosi sanguinis fluentia, non liquefces in lachrymas, vt sole medio niues, ignibusque glacies? Dura glacies, si non diffuis ad hos cruoris ignes; ad cuius tandem flammæ, radiosque liquefces! Amare IESVM, & in dirâ illius laceratione non flere, barbarum est, belluinum est, humanum non est: Sistere lacrymas in tam atroci vulnerum hiantium numero; à durissimis rupibus, non ab homine sperari potest: immotum stare, ad istius contumeliæ, dolorumque exemplar, est feritate truculentos vincere pardos, draconesque. O Lector, rabiosi vrsi, leonesque; maiori pauore hominum, quàm labore cicurati, obliuiscuntur penitus feritatis suæ,

AD LECTOREM.

ris suæ, quando horrendos iubarum suggestus, tremendosque linctus, ad vlnas custodum demittunt, & eorum securos adulantibus linguis adlambunt pedes: à te, qui Christi ouis es, absit hoc malum, vt ad tanta Pastoris tui tormenta, doloresq; aut Caucaſo durior obdurescas; aut gelidæ afflatus veneno Salamandræ, nullis feruentissimi sanguinis ignibus, soluaris infelix. Vale, & viue; si prostratâ in cruce salute, Vitæque tuâ, valere, & viuere potes. Ergo dole, & quæ diebus lacrymarum de Patientiâ patientissimi Pastoris nostri, ad clepsydram humanæ patientiæ, dolorisq; gemens inter subleciuas horas repeto, lege, quisquis es, patientissimè, memor illius D. Thomæ in opusc. de Ven: Sacr. In Christi passione quatuor cogitâda sunt, scilicet: Dilectio eius, reamando: Amaritudo eius, compatiendo: Fortitudo eius, aduersa patienter sustinendo: & Utilitas eius, gratias agendo: quâ certè efficies memoriâ; quod signum crucis à te expellet exterminatorem; si tamen cor tuum, Christum habebit inhabitatorem: cum & ipse Diabolus, in virgâ crucis transglutians carnem humanitatis, transfixus sit hamo diuinitatis. Iterum Lector, benè sit Tibi.



ORATIO.

O R A T I O.



Rumpe, erumpe tandem, inter graues gemitus moriente Bono Pastore, parentalis dolor! Erumpe ex oculis, ex ore, ex manibus, totoq; corpore. Erumpe sine Rhetorum fucō, sine Mercurij talaribus, sine iusto periodorum ambitu, sine arte, sine lege, sine plausu erumpe, erumpe dolor! Ne timueris indecorum esse numerosa eloquentia, in tantā rerum creatarum confusione, orbitateq; tristissimā tumultuari, tumultuante iam Proditoris, & Urbis scelere. Gratus erit verborum periodorumq; tumultus omnibus; qui sciunt, innocentissimo Christo, pro mundi salute, armorum dolorumq; tumultum, fuisse gratum. Quanquam, qui gratus esse potuit, quo gliscente, inaudita seculis creatis apparuit metamorphosis; dum basilica Pontificum, facta est mercatus: principes Sacerdotum, emptores: licitator, Apostolus: & caput Redemptoris, merx, & merces perfidia. Manete iam in cœnaculo latitiæ, vel ex eo inuisa, quod non sitis moerores, quibus ampla potestas data, non comitandi modò Pastorem optimum, sed in eum quodq; usq; in delicias sæuiendi. Qui ecce iam surgit à cœna, pransurus in cruce eò sapidiùs, quod exsudans incocta scelerum nostrorum, melius ad lucem decoqueret edulia. Prius tamen ouibus ubere in loco, quia in oliuetō, ad umbram vesp̄eri, circa fluenta sanguinis; in-

tra è discipulis sepem ; paciscitur pabulum bonus pastor, nec frustra promus Christi projcit argenteos, agri pretium. Fateretur candidè magnorum secretorum particeps ille, & oculatus vbertatis testis ternio, nisi mallet fortè dormire, quàm Præceptorum videre aut timentem, aut in acerbissimâ satisficientem agoniâ. Auellitur à suis ouibus Bonus Pastor, quantum iactus est lapidis ; nimirum ostendens, quàm enixâ labore operâ, dum illud compaginaturn ex auro, argento, ære, ferro, & argillâ, sceleris comminuit simulacrum ; è Virginis utero, tanquam lapis è monte diuulsus in stabulo ; deuolutus per Caluarie coltem, & delapsus in tumulum. Sanè quidem auelli oportebat vigilantem excubito-rem, omnesq; lustrare aditus, quibus assolet lupina in ouiculas ferri esuries. Et est iam aliquid, quod vigil hic fidelissimus turbetur, mens illius beatissima pauore, tadioq; tabescat ; & affixum terræ Angelorum gaudium, tristissimè gemat. Nil sed agis, clarissimum pectoris calum inumbrans, saeva nox animi ; en ex te prima lux oritur, & verè purpurascit Aurora ; non solis, sed sanguinis. Tum, quàm ei gratus ille Angelus, mœstissimi doloris non socius, sed nuntius : qui solus respondentes sceleri luit pœnas, cuius expiandi sibi sumpserat partes. Verè gratus, etiamsi paterno de calice truculentam propinat mortem, millies, diuini è voto, humaniq; amoris, morituro : quia suas ille cælo inferre volebat ita delitias, ita lupo auferre Stygio, ita Patri deferre æterno.

terno. Tu tamen futura presagus laniationis, ô admirande sudor, è toto Pastoris laboriosissimi corpore defluis in terram; quam salutare non prius medicares rore, nisi lata sceleris viarum abundè proluës, palantes oues in arma, undantemq; arenam euocares: ut si fortè cruorem calcantes lubricum ceciderint, fiant prada, & amor eius, quarum ille causâ, iam prada est mœroris, mortis exemplar. Quidni sanguine innoxio terram extergeret Pastor; quam pronus in faciem iacens, videbat omnibus incestam sceleribus, atq; immerentium cruore contaminatam, ac per omnia pestilentem ouibus. Atq; hoc factum subito, ut mirando sudoris panchresto placata humus; linguam, inde usq; à primo in vindictam fratricidi exsertam, retraxerit; alterumq; contra diduxerit os, ad veniam erratis mundi, vitamq; morbidis impetrandam. Itane verò Vir Dolorum, ita decuit calamitosos elui hortos? ita delitiosum instaurari mundum, ut Tu Orbis deliciæ, teipsum deserueres? An non erat aqua lacrymarum, quâ mundum emundares immundum, nisi è tuâ carne mundissimâ effunderes cruorem, simul & vitam? Verè pluuium in dolorum ubertatem corpus. tantos in emundando horto si effundit torrentes, quantos (putamus) integrum caput Angelici intellectus, in Caluaria culturâ, eructabit fluuios! Oriente sic sole nostro, grandis certè puri sanguinis cataclysmus erit. dicerem, ruptis cataractis cali; nisi scirem, diuinitatem veluti calum, tumētibus velari nubibus,

corpore, & venis. Dico liberè: nullus filiorum cernuus toties orauit Patrem adeò intentè, vt merum sudaret sanguinem; nec Patrem, vno hoc, fuisse quando inexorabilem. Proh exorator constantissime, non possumus propriè rei, tecum vnà vigilare borà, qui iugi sub scelexe; peruigiles, insomnesq; perpetuamus. Na ille apostata infelix Apostolorum increpat socordiam; qui nocte illuni, & intempestà discurrens, lymphatam perturbat, in exitium sui Sèruatoris, ciuitatem. Contra quam, eiusq; faciem, resoluti dormitatoris gladium, non tamen mouet ille, qui fatalem prouinciam suscepit solus, tam pro Iuda perfido; quàm pro mundo ignauo, irato Patri, optimus Filius, pro nequam fratribus, suo capite satisfacere. Sed hem patrandi sceleris ductor emeritus, satellitio palatino, & Pratorianà stipatus cohorte, inermis ipse, armat furentium Principum obsequia: nec suo fidens furori, insanientium militum vrget furorem, dum ori sacrosancto sacrilegum os admonet, & tesserario Dominum osculo petit; hoc est, inspirat in faciem vitæ, spiraculum mortis. Ergo inermis Pastor, ab armatis capitur; innocens, à nefarijs ligatur; & Princeps æquitatis, effusa plebecula triste fit ludibrium. Ceditur ad necem fustibus innocentia; mergitur in Cedrone onusta cætenis libertas; raptatur viarum per strata humanitas; sistitur iniquitati integritas; & quidem rea, sed nimis charitatis. Atq; ita cessit insania, sapientia; sceleri, virtus; impietati, probitas; lex, iniquitati,

tati; maiestas, contemptui. cui Petrus in Malcho dum resistit, potius Magistrum offendit, quàm defendit. Parcite Apostoli; dum lupis famentibus Agnum Dei laniandum reliquistis: aut non Pastores, aut certè Mercenarij tunc fuistis. Hæsit ille iam, Mundi victima, non inter vepres, sed inter verpos, libaturus Deo sanguinem, & vitam. Est mihi, note illa, quæ Deum in carne captiuauit homo, nullam flagitio fuisse magis amicam, aut quæ perituro minus egeret lumine. Scilicet grande illud Urbis incendium Iscariotes, omnes verbo & exemplo, flammabat angiportus, omnium flagrantia implebat odia, merissimus ignis, & flâma; sed gebenna. Etiam debuerat. Annas, domi suæ summum habuisse Pastorem, nepe ut tanto disceret à Magistro, petulanti præesse familiæ. Grande nefas, in domo Pontificis, summus Pontifex; theatralis veluti scurra, percutitur alapa. Et tamen, dum eius vrget causam, ignominiosè violata innocentia; Annas silet, non audit verbero. ut tamen audiret, aurem, quam Petrus absciderat, ei paulò ante aptauerat. Eheu! sit impudens manus in ipsâ sede pudoris, & quæ olim fidelitatis erat symbolum; sit repentè in ore, vel potius in arâ fidei, nota perfidia. O verè sinistrum dexterae plaudentis obsequium! nisi fortè, ni hoc in oculis Heri sui fecisset, fecerat illa nihil ad risum Pontifici; ad fidem periuris testibus, mundo ad salutem. Sed benè est, benè! liber eritstrarum animarum seruus, manu mittetur, cuius erit. Percussus enim alapa, ducetur

omninò in pratorium, ubi vindicta, & pileus; ciniù inscribendus albo. Profectò manica illa ferratilis, criminibus nostris fuit lentata, sceleribus malleata, incude facinorum exasperata, ignibus concupiscentiæ, veluti fornacibus, temperata: Facies verò mitissimi IESV, amoris erga nos nimij capitolium, verecundie theatrum, benignitatis arena, innocentia sedes, ara votorum, portus Angelici intellectus, & augustum diuina sanctitatis templum. Illa certè nihil horum exborruit, quia ferrum erat; ista, sacrilega manus diram sensit grauitatem, quia Christi erat. Atq; iam, ò bone Pastor, tam atroci alapâ cònictus es criminis, nimirum, quòd oues eterno dignissimas odio, fueris ausus ferre in oculis. O quæ non tolerat! ò quid non patitur miser amator! Enimuerò, valentissimus hic iectus, & planè sernilis còtemptus, futuri gradus erat cruciamenti; atq; eò maioris, quò crudelius furor sentire solet in iura, legesq; humanitatis. In execrabili Principis Sacerdotum domo, blasphemus proclamatur ille, sub quo professore, arcana celestium secretorum, mysteriorumq; Dei, didicere Propheta, nec alium Veritatis Magistrum orbis habuit: ille inquam Sacerdos, à quo regali titulo Sacerdotium à terra sublimatum, augustam in celo gerit maiestatem. Imò & colaphis caditur ibidem, ubi Petrus peierans, calosq; contestans omnes, à Principe tenebrarum depalmatur; stupendâ reuera percussione, quæ malas Christi, & mala Petri, simul aggrauauit. Iamq; illa glacies igni indurata.

focario,

focario, diuinissimis oculorum flammis, usq; ad amarum soluitur fletū, & galli magisterio, Magister Ecclesie foras egressus, ingreditur Metanæ domum. Istactenus furor in contumelias effusus ludit, & bono illudit Pastori. Serio tandem scelus aggreditur. Trahitur per flagitium ad Prætorium, qui in crudeles spontè venerat manus. obruitur falsitate, silentio se tuetur, ut qui Magnum verbo fecisset mundum, taciturnitate Paruum reficeret, & compendiariâ iniuriarum tolerantia, res creatas in mundi compendio recrearet. Sensit Iudæ fraudem cœnaculum, vidit hortus, excepit osculum, audiuit prætorium, derisit templum, puniuit reſtis. restabat quippè, ut penderet ille ab infelici arbore; qui pendere noluit ab ore diuinæ sapientiæ, nec adherere primæ, & ultimæ felicitati. Nescit restingui, semel accensus furor. iungitur amentia; quæ regales ante obtutus, incomprehensibilem sapientiæ, & scientiæ Dei altitudinem, germanam suam indigitauit: sapientumq; Principem, albâ intexit veste, ridendum ut mutum ad aspectum; irridendum ut stultum ad satietatē. Atra nimium dies, quæ laruato candore in aulis relicto, verum pepulit: & veste albâ inde exclusâ, monitorem extimum, intimi eiecit candoris. Quare victima redditur iterum debita Prætorio, quam prius furor excipit, quam videt Prætor. Certè nibilo omnibus & iste melior; quando, ut misericordiam reo conciliaret, verè miserabilem fecit. Adſunt, iudicis ex imperio, lacertosi virgatores, vestem unicâ;

quam

quam Bono Pastori, ad partheniam nuditatem con-
 tegendam, profusa in oues, prodigaq; charitas reli-
 querat, detrahunt: nempe ei, qui calo, sidera; mari,
 belluas; terra, superbam pro dote reliquit secundi-
 tatem: nempe ei, cuius nutu frutices inoculantur,
 folia formantur, germina instantur, flores inornan-
 tur, & post spolia, annuatim vestiuntur: nempe ei,
 per quem omnis arbor à radice promota, grandescit;
 omnes vites, hederæq; sequaces, textili syluâ impli-
 cantur; omnis mundi vniuersitas animatur; detra-
 hunt tamen, & ad columnam, columen mundi, cru-
 delissimi flagriones obligant, sauiunt verberare, lace-
 rant, & valido brachiorum nixu, verè suprà dorsum
 Domini peccatores arant. Cessate, cessate nequissi-
 mi criminum coloni, campus iste virginèi corporis,
 non vestrà est sulcandus manu, sed Virtutis altissi-
 mæ. ut quæ in Nazareth prima, celesti hoc nauale
 tentauit aratro, metat & ultima. Hic, si nescitis,
 ager est Virginis, non virgarum. Utinam & tibi
 Bone Pastor, in Pratorio Romani Præsidis, ad serui-
 lis lanienæ declinationem, liceret vocem illam inge-
 nuam, & compluribus salutare usurpare: Cuius
 sum Romanus! Sed nolebas aliter maledictam ex-
 piare terram, nisi dissipasses virginem istam tui cor-
 poris. dicerem libere terram; sed hæc habet penas
 inferorum in corde, tu præmia beatorum. Nolebas
 aliter sitibundas adaquare oues, nisi sanguini, &
 morti mille aperires ostia. Vollebas ut in illo termi-
 nali saxo; quod inter Deum, & hominem surgebat,
 stylo

*Stylo hominis inscriptus, atq; incisus esset Deus. Rediuius profectò Iacob, si quas in augmentum ouium, ut separabiles in eis apparerent maculæ, variauerat virgas, mersisset in sanguine. Fecundi amorum, dolorumq; matrices oculi, si non extabescitis in lacrymas, quando diuini corporis nives, prodigiosi furoris æstu, solutæ sunt in sanguinem: nouam, noui Regis inaugurationem, spectate. En ecce iam, eripitur hora crudelitati, datur clementia. Religatur à columna Bonus Pastor, induitur purpurâ; deducitur ad thronum; coronatur; sceptrum manu premit; Regibus per omnia similis, si hæc proludibrio non abirent. Purpura quidem, insigni & piâ commiseratione, sæuissimis oculis eripuit Regem, ne si fortè partem aliquam virginarij corporis intactam aduerterent, in eam nouis sæuissent plagis. at pompe reliquum planè iocus atq; dolor, & digno & dile, indignissima ludus crudelitatis. O quàm & hîc illi nocuit tortorum sæuitia, in quem vel ipsa Præsidis clementia crudelis extitit. Pactilem è rubo acuminatis acerbè cuspidibus formidabili, coronam tenerrimo capiti, grauissima carnificum manus, siluestri planè imprimunt feritate: aut nisi dixeris, ouium quieti, densâ consulunt sepe. Malè scilicet ad eam immanitatem, siluestribus è latebris mitterentur belluæ. Nam eæ, Pastoris ad pedes, rictu placido se proijcerent, laniarent oues. Dolorum Regi, Rex fruticum debebatur. Aridus ille planè, & mortuus vino insedit vertici, sed subitò vitam tum primum
vinere*

viuere cœpit, mirandâ quam usq; habet, indutus vi-
 riditate. Luxus etiam praua adolescentia, rosas an-
 tequam marcescerent, in suam præcerpsit coronam,
 solas coronanda innocentia spinas, in pratis relin-
 quens. Cur tamen, o spina, diuinum caput non pe-
 tistis viridantes? cur aliquo præclaro decori flore?
 facile vestri piam rigoris causam interpretor: fru-
 stra occurrisset aliorum emendicata pompa florum,
 vobis vno, satis erat efflorescendum Deo. Satis su-
 perq; diuinissimi sanguinis rosas potuisse progermi-
 nare. Nunc verè, si vnquam alias, verbum Dei ce-
 cidit inter spinas, quin & secus viam, dum à vilis-
 simis lorarijs conculcatur: quin cecidit & in petrâ,
 hac vnâ, viribus exhaustus, tortores liberans fati-
 gatione, ne sedentem vix tenerent se, simul & cru-
 ciarent. Sentens ipsi immanem spartacorum imma-
 nitatem horruerunt, atq; nolentes tristissimum cru-
 entæ tragediæ spectare epilogum; pars in caesariem
 cruore concretam; pars intra cutem diuinissimam,
 pars ferrat as cranij perrumpendo commissuras, intra
 Sacrosanctum cerebrum, sese absconderunt. Car-
 nifices illos rabiosissimos, neq; dilacerati artus, neq;
 contusa genæ, neq; sputis deturpata facies, confos-
 sum caput, delibrati humeri, nudata ossa, & viscera
 permouent: aspiciunt plagas undantes sanguine; &
 eo magis, vt Luca bos ferociunt. Atq; nescio, quid iam
 tortores constantius agunt, an verberant Pastorem,
 an ludificantur. Nam oculos etiam eius, culinario
 quopiam mantili obueiant, quasi eorum aliquem, ad
 vindi-

vindictam cademq; notare vellet, non ad nimiam charitatem. Quin & arundinem manu tenere instant, ut è re natâ, commodius adorare per ludibriû, amarisq; deplere sannis aggredierentur Regem dolorum, qui magna umbra iam hominis erat, nulla Regis. Ita vos superbissimi terrarum Domini, leuissima labore Fortune, vix à terrâ sublimati, & vulgo; humanitatem & clementiam exuitis, & pro bis, undiq; diuitijs per iniuriam partis coronati, sanguinariam induitis crudelitatem. Vnde vobis, & pro scepro leuitas arundinis est, & assentatoriè potiùs vobis illuditur, quàm verè seruitur à satellitio. Iterum arundinem, è manu sedentis, eripiunt bustuarij mirmillones, eaq; premunt horrendè tempora, quæ Regi temporum, ipsiusq; adeò æternitatis Domino, spinis paulò ante oppresserant turbinatis. Immo & purpuram, quæ hiantibus accreuerat vulneribus, bacchatim detrahunt, & ferè peiores, prioribus instaurant dolores. O quàm multi cruciatus in vno! o quot vulnera in vno! quot mortes in vnâ! Erat & hoc, pro militum rapacitate, perferendum Imperatori supplicium; cuius capite, nisi iniqua exolueretur præda, in caput Principum, à quibus scuire in fortunas plebecula, seuam communicarunt potestatem, redundarent. Iamq; in toto Pastoris corpore sanguis non est, & in facie, facies hominis non comparet. Credat qui vult Præsidi, Hominem esse hunc dicenti; ego non credo, quia vermem, non hominem video, opprobrium hominum, plebis abiectio-

nem.

nem. Quod si omnino hic Pastor homo est, stupendus certe est Homo, quia simul DEVS; solusq; & vnus ea re, inter homines hoc titulo dignus: Ecce Homo! Frustra habetur hoc commentum clementiae, frustra torquetur ingenium, in praesidali pollubro, maculae animae non emaculantur, & in caelo, corde hic reclamante, lingua non auditur praeo innocentiae. Ad extremum, iniquo Iudici, impij accusatores legem imponunt, & timor stulti Praesidis, fit mors innocentis. Ergo ignominiosa crux imponitur semimortuo, vt prius insano pondere sui cruciatus premeretur, quam opprimeretur à dolore. Ducitur postmodum, ex illo improbißima derisionis suggestu extra urbem, Consul orbis; omnia bona sua secum portans, hoc est, Crucem, & vulnera. O amor, quae non imperas Creatori nostro, etiam iubes cum filijs hominum, in arundine longâ Deum repuerascere, & sub luce populi, equitare per urbem in cruce! O amor, esses maior ipso Deo, si posses aliud esse à Deo. Apage Cyrenae, sola hac humeros coactos crux detestatur, iste porro, cui ad succollandum eam adiunctus es, futura calorū est, terra fundamentum, aquarum basis, & sub quo curuantur omnes, qui portant orbem. Pulsus in exilium Pater Patriae, longinquam, quia mortis, properat in regionem, atque locum votorum suorum, montem, cui nomen Caluaria, hoc est humani generis vertex, indiderat superbia, ascendit ille, qui caput est hominum. Vel potius, iam est in specula, speculum ouium, Bonus Pastor,

Pastor, & ne solus excubitor, lateronibus, & simul latronibus interiectus, ut qui ante uno fuerat peior Barrabâ, duobus iam esset insignior. Funesta Crucifixus citò, ne prius aut ille, aut furor deficeret. Affixus, in sublime tollitur, & in medio mundi totius, ac puncto linea felicitatis humane committitur, inseriturq; in ipso terrarum corde, cor calidum. Modò verè medius nostrum stetit, quem nescimus, modò verè primum, calum inter, & humum, homo pensilis; Dei & hominum factus mediator. Iamq; haret exsanguis, confixus in stipite sempiternus, atq; immortalis DEVS, aut sanè votum ab Amore, pro Mundi vitâ, in manibus Misericordiae conceptum, iam est suspensum è tholo crucis, & infinita redditum iustitiâ. Mirabile! in supremo vitæ, mortisq; confinio, cum vel maximè summâ vexatione corporis torqueretur, tum vulnerum dolorumq; oblitus, excusat carnifices, quos gravissimè accusare deberet, quasi nutriens catulos, qui se laniarent. Etiam, fortè ut Mundo pro eius præbiberet noxis, clamat de siti, & silet de cruce, quæ peior est siti. Crudele speculum, in quo nova vitalibus tormenta propinquantur, & verius tortorum, quàm boum fel in vino bibitur, atq; ut verè amara esset mors, inungitur hyssopo. Tandem consummatum est opus ministerij Pastoralis. Pastor verò inclinato in pectus omnium suarum capite, exspiravit in corde terræ, cor Mundi, securius cor nostrum, Dei templum, sed exinde speluncam latronum aditurus. Prob, quantum iste

nocti concolor dies, qui Mundum & suo scelere, & Domini funere laborantem, tenebris operuit, mutatus ab illo eodem die; qui nascentem olim terrarum orbem, euocauit ad lucem! Ut illa pulcherrima rerum creaturarum facies, in maxissimam dei & ei a confusione, erupit, in funestam arborem, vitæ lignum; in scelus omnium, summa innocentia; nam qui olim fuit vniuersorum vita, iam est mors. Nouum reuera salutis genus, ut Mundus uiuat, Vita mundi perimitur. Denato, exanimatoq; Sole iustitiæ, turbata circumfusa, in miserandum cadauer insaturatione intuens, undiq; stetit; ut quæ clamantem in cruce derisit imperatorem, amariùs certè derideret morientem. Sed è voto Parentis sui, Natura diem crudelitati eripuit, terraq; crebris hausta hiatibus, malignum hîscere ingenium, non permisit. Lucere puduit Solem, dum æternus splendor insuetam passus est eclipsim, nec amplius, ordo animarum, in orbe comparuit. Mucidis è sepulchris prodibant iudices mortui, uiuorum condemnaturi crudelitatem; humanis dure scer tibus cordibus, mollescebant saxa, & in ima terræ viscera, cadente fundamento, penetrauit ruina. Seruator porro Vniuersi, ne tumultuantem ultra videret orbem, oculos, quibus vulkerabat corda hominum, clausit. Sed non clausit oculos corporis lacerati, quib. vulneratus est, immò aperuit oculum cordis, aqua & sanguine lacrymantem, ut testis oculatus esset, & sue charitatis, & nostri sceleris. Suspendiosos lugeri veta-

bat

bat lex Romana, prohibebatq; supremo officio, & honore sepulchri. Præses tamen, qui lege Quiritium in cade Christi fuit immanissimus; in eiusdem funere, immemor legis, extitit valde pius, ac duobus illis viris pecuniosis, nimirum Decurioni nobili ab Arimathea, & alteri facile inter suos principi; pollincturam, & tumultum Archipastori, magnâ cum sedulitate adornantibus, nimium benevolus. Negare neq; inuisus funerum arbiter, cruciario poterat funus, qui funus eidem prius lotis manibus comparauerat. Parenti Virgini mœstissima, cateroq; inopi concilio, ad humandum ex more gentis corpus, tam multa deerant, quàm supererant lacryma. Quare, quod in summis luctibus accidere solet: Mater dolentissima, oculos à Filio; Ioannes stupore defixus, à Virgine non auertebat; Magdalena crucem complexa, hærens attonita, intuebatur in utrumque. Igitur Numinis instinctu excitati, veniunt in Caluariam sandapilarij, & pollinctores, duo illi summates; linteo, aromatis, unguentis, inslitis, omnibusq; sepultura necessariis optimè instructi. & primo familiam illam, inter insanientium ludibria militum, gnaram amoris, ignaram consilij, aduentu suo erigunt in animos, postea recreant. Ergo unâ funereum omnes urgent opus, sacrum è patibulo diuellunt cadauer, ne qui patris imperio crucem ascenderat, ex eadem nisi alicui concessu, & operâ descenderet: unguentis curiosè corpus imbuunt exoticis, ut cuius illecti odore currebant vini,

currerent & mortui : obuoluunt candido linteo, byssinisq; obligant institis, quibus ut intelligeret, ad diuina eiusdem funeris, veluti repotia celebranda, conscientiam candidam, & catenatos requiri sensus : in hortum inferunt, veluti campi florem, ad incundiores breui redituum comas : in sepulchro alieno, inibi excauato, & quidem nouo, ac Virginis utero simili, quia nullis antea cadaueribus inquinato, corpus iustis absolutis componunt, ut aliena, non sua morte defunctum sciret orbis. Quid verò etiam Mortis detriumphator gloriosus, proprium haberet sepulchrum in terris, qui inaccessum diuinitatis solium habebat in calis? Ad extremum caelo vesperscente, dum omnia iam ad gratiam fecissent demortui, ducunt funus, & admoto grandi ad osium lapide, monumentum claudunt, apertis quaquauerfus oculis, in grandes lacrymas; cordibus, in graues dolores. O magni viri! ne in hoc officio, dum vestra domi manet pietas, aliqua magnificentia linea transfiliatur, liceat, pace vestra, obsecro, dolentissimo Dolori, hac subitariè muto incidere saxo, Epitaphia.

I.

*Hic Leo sopitus dormit. Quid carpere callem
Horres? iste Leo, est blandulus Agnus idem.*

II.

*Isto Sarcophago recubat Sol clausus. In orbe
Horrida, quid mirum? si regit vmbra
solum?*

III.

III.

(& orbis,
Lingua Prophetarum, mens Regum, Doctor
Mundi pax, ouium Pastor, amansq; Pater;
Terrarum Dominus, via cæli, dextra Tonantis,
Cælestis medicus, mortis & exitium,
Conditur hoc tumulo. Miraris cuncta viator?
Ne mirêre: DEVS conditur hoc tumulo.

IV.

Sta, mortem quicunq; times, hîc vita quiescit;
Si properas, moreris; ne moriare, mane.

V.

Conditus hac hominum Soter requiescit in
Soterem potuit, crede, necare scelus. (VRNÂ

*Bonus Pastor, animam suam posuit pro ouibus
suis, Mundi Redemptor, occisus est, DEVS in cru-
ce obiit. Innocentia condemnata, Iustitia prostra-
ta, Sapientia in stultitiam versa, gloria celi &
terræ, in risum & ludibrium abiit. Corona capitis
nostri cecidit, Fortitudo defecit, Vita nostra mor-
tua est, quid facimus? Adeste dolores, toto ex orbe
mœstissimi, atq; in oculis hominû, si qui adhuc sunt,
velut in labris quibusdam, calentes abluenda cruci,
clauisq; trabalibus, adferte aquas. Nil furcæ tur-
pissima, cum thesauro sanguinis preciosi, cælesti ab
ipsamet crudelitate, recondi debet Capitolio. Ade-
ste oculi, si qui vulnera, vibices, reliquia, mortemq;
atrocem non exhorrescitis, adeste; & contemple-
mini Creatoris vestri caput, diuinâ maiestate per-*

illustre ; pugnis, fustibus, lapidibusq; à vilissima fa-
 ce plebis, immanissimè contusum, atq; vulneribus
 septuaginta duobus, cribri ad instar, fistulo'eq; spon-
 gie perforatum. Contemplemini auream casariam
 decoram, balsamaisq; venustiore comis, à seruulis
 sordidulis ludibriosè partim euulsam, partim disie-
 ctam & dissipatam partim, quod sanè est ad la-
 crymas miserrimum, fatenti luto, sputisq; incoctis
 oblimatam, aut sanguine in stirias egelidas concre-
 to squalentem. Contemplemini frontem, imperiali
 daphnide, & augustissimo Regum omnium diade-
 mate dignissimam, vepribus hamatis, & ad grauius
 tormentum ab impiâ naturâ cuspidatis, crudelissi-
 mè dilaniatam, vibicibus tumidam, tuberculis in-
 flatam, liuore vulneribusq; plenam. Contemplemini
 oculos Sole gratiores, viscosis crapularum eruētami-
 nibus horridos, neq; in sanguine modo, quod utique
 tolerabile esset, verùm in prarancidis facibus, ab
 hominibus trioboli demersos, & planè ceu liras cam-
 pestres suffosos. Contemplemini faciem, vernans
 olim rosarum liliorumq; pratium; pudibundi ostris,
 purpuræq; verecundæ matrem, nunc exanguem,
 glaucinam, turgentem, liuidam, laceram, deiectam,
 buxam, & inauditâ vernarum petulantia, ad
 horrorem deuenustatam. Contemplemini nasum,
 sudibus præustis concussum, luridum, tuberosum,
 & concreto sanguine intus, & extra suffusum;
 barbam vnâ reuulsam parte, altera euulsam:
 dentes hos infirmatos, illos excussos: labia retracta,

& ri-

& rimosa, vinumq₃ felle amaro à lorarijs dilutum,
 agrè admodum stillantia. Contemplemini rarus,
 pedesq₃ clavis ferreis persoffos, latus immuni lanceà
 traiectum, excoriata membra, luxatos artus, venas
 vel nimium inflatas, vel calamitosè ruptas, totumq₃
 corpus, nihil miserandum in modum ostendere, nisi
 inuisa orbi, & inflata ludibria, inauditas lanienas,
 & deuiscerationes; indomitorum equorum calces,
 famelicorum luporum morsus, rabiosorum canum
 vulnera, mortiumq₃ atrocissimarum mille & am-
 plius, patentia ostia. Adeste pigra anime, ad se-
 pulchrum Magni Pastoris, adeste; & velut præfi-
 ca mæstissima, spargite suarum crines passionum,
 sinuosas cordium lacerate vestes, & ad lugubres
 threnos, exululantia soluite ora; atq₃ ut vobis mos,
 dicite singultantes:

Optimus altâ de cruce Pastor
 Pensilis alget, nulla bidentum
 Funus adornat, nulla gemitque.
 Pendet Soboles vera Tonantis,
 Vranopolis, ah! vera corona:
 Nullus ab astris penniger ordo,
 Moritur quando Dominus cæli,
 Volat, & feruam porrigit aurem.
 Moritur Natus miseræ Matris,
 Similem nobis obit & vitam:
 Propera plorans, hominem quisquis
 Homo cognoscis, noscis & hostem.

In cruce passis humeris pendet,
Boreæ tristis iocus, & Cauri,
Fluitant crines ludibrium Austri,
Lege nec vllâ barba quiescit.
Concutit artus languor, & ægro
Rubor in vultu, maculas auger.
Madet effuso sanguine totus,
Ruptoq, fluunt chomate venæ,
Hiat estossum latus, ac lympham
Fontis ad instar, sanguine mistam
Ructat, & almo rore decussim
Impluit altam triste cadauer.
Genus infandum, modus & leti
Insolitus, quo moreris Magni,
Nate Tonantis.

Ad catenam.

**Ferrea, quid Christi constringis membra,
catena?
Non satis à Mundi, victus amore fuit?**

In Christum calcatum.

Quo posses cælum conscendere tramite, nescis:
Strata Via est Christus, sub pede carnificum.

In flagra.

Flagra, stylus mundi: Christi quoq; membra,
papyrus:
Debuit hoc scribi vepre, stupendus Amor.
Ope

Opē

Ope Titanis niue depulsâ,
 Procul à Vestæ gremio, postquam
 Redit in Mundum floriferum ver :
 Vt cum Zephyro flante colonus,
 Findens valido vomere glebas,
 Fert per medios chalybem vermes :
 Euulsa patent rudera latè,
 Dolet effossis Diua thesauris
 Tellus, in omni diues agello;
 Seu sint lilia, violæ suaves,
 Rutilans aurum, gemmea turba,
 Virgatus onyx, redolens ambra.
 Rigent auersis aspera fulcis,
 Nec adest vlli decus agnatum,
 Spoliatae stant opibus porcæ,
 Hinc humus atro firmate squalet.
 Sic tua IESV, decus olympi,
 Amor & Patris; iacet admotis
 Gloria flagris; iacet admotis
 Formaqué virgis; iacet admoto
 Vitaqué ligno. Genus ô nequam!
 Humeros IESV, placuit crudis
 Scindere virgis, placuit ligno
 Figere in alto. Quâ scelus arte
 Hocce piabis ?

In Purpuram.

Purpureâ Christū, quid Præses, cyclade cingis?
 Si totum proprius purpurat ecce cruor.

In Co-

In Coronam.

Vertice perfosso Christi, nil sanctius actum ;
Non poterit scelerum, sic meminisse modo.

In Arundinem.

Gens recutita sacram depleuit arundine
dextram:

Mitius vt posset terga ferire hominum.

*

Scidit Attræo verbere licitor
Corpus IESV: clauus acuto
Nobilis ictu, transijt ambas
Manus, & plantas, lancea costas
Rupit, & ipso vulnus in ore
Cordis apertum sedit, amata
Quando cadauer vita reliquit.
Immane scelus, potuit tantum
Audere nefas genus ingratum?
Hæc CHRISTE tuis debita factis
Gratia præsto? Genus ingratum!
Immane genus, genitum syluis,
Interq; feras, lacte ferino
Te lea pavit, vel lupa torua.
Adeo nunquam catulis vrsa
Furit ablatis; leo nec fixus
Sicilâ, iactat fera sic colla,
Quando rabidâ premitur bile.
Similis nunquam draco, dum legit

Flexile

Flexile corpus, tremulam in spiram,
 Pede non cauto si quis in antrum
 Forte cadit, profibila stringit
 Ora celer, flans tumidam & pestem,
 Inficit artus: quantum homo IESV
 Sæuijt in te.

In Strophium.

Obtexit CHRISTO clarissima lumina tortor,
 Amplius haud Mundi crimina conspicient.

In Veronicam.

Talis erat CHRISTVS, malo figendus in altâ!
 Hunc nobis vultumpinxit at ore suo.

In Malleum.

Infentem CHRISTVM, quid malleæ stipite figis?
 Si infentem figis? fige reumque simul.

*

Tenerâ parent pelle resectâ
 Viscera, pulchro cassâ cruore.
 Et parthenium verberare corpus
 Lacerum, diuo tincta cruore
 Oisâ relinquit, trucidis ad visum
 Populi, si quæ sortè furentum
 Pietas. iram leniat sæuam:
 Auullâ fero vulnere flagrum
 Frustra sequuntur, cæcâ per iram
 Sulcata fluunt membra cruore.

Disiecta

Disiecta sacræ frustula carnis
 Calcat per humum flagrio nequam,
 Invidet orbi penniger ordo
 Gemmas, rutilo sidere dignas.
 O felices vulnere sulci!
 Fæcundatæ sanguine glebæ!
 Vos parituræ nobile germen,
 Tali vultis pectine frangi.
 O fælices vulnere glebæ!
 Fæcundati sanguine sulci!
 Vos parituri præmia messis,
 Tali vultis vomere frangi.
 Corda subacta! en semina habetis
 Iacta salutis; surgat in astra
 Ergo manipulus.

In Clavos.

Non retinêre polo, clavis retineris IESV
 Dicere, pace poli, si licet: Hos mage amo.

In Vulnera.

Lassavit quemcunq̃ue scelus, sitit inde; li-
 quorem
 Aspice. quam gratum, vulnere quina pluunt.

In Tenebras.

Dum CHRISTVS moritur, subito nox incu-
 bat atra,
 Fors scelus in Caluo monte latere cupit.
 Lacry-

*

Lacrymas nati fundite amaras,
Sipylum quales, Cretaque vidit.
Pater, ah, vester mortuus alget!
Regis superum funera flete,
Terræ Domino soluite iusta,
Subdita magno corda Tonanti.
Feriant dextræ pectora, cultæ
Iaceant vestes, spargite crines,
Cælestis honor, decus astrorum,
Gaudia terræ, vitaque mundi,
Occidit atro pondere noxæ.
Ille Magister, Pastor & ille,
Medicus, Custos, Ductor & ille
Obijt, dextrâ tenuit qui vos,
Vestijt & qui, paut abundè,
Torrida lymphis ora leuauit.
Flete puelli, flete pupilli,
Viduæ palmis pectora mæstis
Tundite, stillent lacrymæ grandes,
Intima crebri viscera pulsent
Gemitus; magno tristior æthra
Resonet planctu, repetat orbis,
Quidquid gemitus percipit aure.
Heu, quis poterit robur inani
Dare menti? quis ferre salutem?
Auidas si iam manus iniecit
Parca Genarchæ? funere mersit
Si præcipiti Medicum cæli.

Reus

Reus ingentis facies culpæ
 Tu quid homo? vel mente fereris
 Quo? vide, largo lumina rore
 Cernere si dant humida, CHRISTVM
 Tumulo clausum; Madeat nec iam
 Lacrymis vulcus, rubeat guttis
 At sanguineis, alio nequit
 Scelus hoc mundi furijs capti
 Fonte leuari.

In mortem Christi.

Vita fuit CHRISTVS, cessauit viuere. Vitam
 Crederet in ligno quis, potuisse mori?

In Tumulos apertos.

Nil mirum, moriente DEO, patuisse sepulchra;
 Vna illum vt caperet, non satis vna fuit.

In Christi Sepulchrum.

Quæ nunquam audisti, modo plorans cerne
 Viator:

ÆTERNVM VERBUM, conditur hoc tumulo.

Obijsti vitam, ô dulcis Amor, vt Mundum scelere defunctum, Morte tuâ reuocares ad Vitam: vel potius; abijsti, ô Bone Pastor, ad alias oves, quas in alio numeras adhuc ouili: Nos frustra vinimus, neq; te sequimur. Perijmus planè, si non redis postliminio diues gloria, & immortalitatis: & si nos, ô cali ostium, non recipis; præda sumus inferorum.

Extinxisti

Extinxisti tuorum lucem oculorum, ô mundi lux, ut delicato luxu exoculatos terra colonos, æuiterne luci restitueres. Hoc si non videmus, ipsâ cecitate, sumus ceciores. Obturaſti aures, ô Supreme iudex uiuorum, & mortuorum; ne iustum apud Te, nostrorum contra nosmetipsos, clamor scelerum, obtineret decretum. Hoc si non intelligimus, durata saxa sumus. O Mundi Amor, verè modò factus es Amor: quia cæcus; verè factus es cæcus; quia Mundum amans. Ergo Antabatarum more clausis oculis; incipe nobiscum certare amore, certabimus & nos tecum amore, clausis oculis; quia & nobis:

Eripiunt visum lacrymæ, & sine lege dolores.



DE TORMENTIS
IESV CHRISTI
Appendix Epigrammatica.

CHRISTVS Sanguinem sudat.

SÆuas lepra faces, si cui succendit in ore,
Aut podagrosus habet frigida mēbra dolor,
Desinat Aufonias pernox inquirere turmas,
Exsudent thermas, enthea membra DEI.
Certa salus lepræ sanguis; sed sanguis IESV
Quilibet hoc lotus; sanus, abitque sacer.

Osculo traditur.

Tun' sacrum, Iuda, poteras contingere vultum
Sacrilegis labris, nauta future Stygis?
Basia tun' Christo poteras, ô vulpio, ferre?
A quo principium, candida facta tenent.
Ardebat, credo, nequam cognoscere, Christus
Oblatum calicem sumere num, voluit.
Heus, nihil errasti. cernis prærancida fella;
Ut siciunt CHRISTI torrida labra tui?

Comprehenditur.

Nocte sub illumi, CHRISTVM Solymæa caterua
Sedula perquirat, spirat & ore necem,
Et quam-

Et quamvis sudo, succendit in æthere tædas,
Non potis est CHRISTI cernere membra
tamen.

Cur id? Sol fuerat CHRISTVS. non cernitur
eccur?

Obruit immenso lumine, Sol oculos.

Ligatur funibus.

Nullus Orontæo serûm bombyce triumphet,
Æthiopum iactet vellera, nonq; colus,
Virginis Idmonæ tenues discedite tramæ,
Pro risu vestrum, Pallas adunat opus.
Funibus hæc CHRISTI debetur gloria. Magni
Verbigenæ, sanctos nam tetigêre pedes.

Mergitur in Cedrone.

Transmittit Cedron, perfusus membra cruoro
CHRISTVS, in admissis concidit æger aquis.
Mergitur in lymphis, gemit & constrictus: IESV
Surgito, non hîc mors est subeunda tibi.
Surgo, sed hîc cupio moriturus mēbra lauare,
Ne sit, post mortem causa laboris, Amor.

Alapam sustinet.

Consuêrunt manicæ, palmas armare stra-
tegûm,
Tu sed Pontificis labra verenda regis:
C. Iam

Iam satis errasti, iam desine sternere vultum;
Non hîc, quid faciat tertius error, habet.

Pugnis percutitur.

Crebrescunt pugni, mactantur cæstibus armî,
Fors, vt crux humeris mollius inde cubet.
Non. Sed quid valeant humeri, quid ferre
reculent,
Pertentant. Scelerum quam graue pondus
erit!

Induitur veste albâ.

Vt vidit CHRISTVM properantem Herodis
ad aulam

Fraus; plorans dixit: clauditur aula mihi.
Sed postquam vidit niueâ cum veste redire,
Exultans dixit; sunt mea regna mihi.
Conuocat ergo iocos, sannas, technasque, do-
losque.

Legibus æternis firmat & imperium.
Aulica sic CHRISTVM pubes non spreuit;
ab aulis
Candorem pepulit, sed malè sana suis.

Flagellatur loris.

Viscera tosta bouum resonant per tergora
CHRISTI,
Purpureæ subito profilit imber aquæ.
Lassantur

Lassantur crudi tortores, atque flagella;
Sæuit at ira magis, spumat & inde cruor.
Fælices agri, quos talis nympha maritat,
Christigenum culmos, non feret ipse polus.

Ceditur virgis.

Virgarum temerat corpus mala sylua Tonantis,
Vibicibusq; feris membra pudica notat,
Sanguinei sacro stagnant in corpore fluctus,
Latè diffusò Vesta cruore rubet.
Saucia decerpto perierunt pectora malo;
Sanabit tantum, non nisi virga malum.

Purpura induitur.

Obsecro, quid causæ, cur CHRISTO purpura
summo est
Ludibrio? laudi; Regibus ostriferis?
Temnere nos vani fragiles docet orbis hono-
Ast ambire iubet regna suprema poli. (res.

Coronatur spinis.

Rostra Quirina dabant lauri frondentis hono-
Seruanti portas Urbis, ab obsidio. (res.
Sed Patri Patriæ CHRISTO, pro daphnide
spinas
Intrudunt; ita Honor nos amat, hamat
Amor.

Crucem baiulat.

Prægrandi ligno, sacros subijcit armos,
 Golgotham CHRISTVS, dum moritur⁹ adit.
 Nec gemit, exspirans grandi sub pondere vitæ,
 Ad iuga sed montis fert, celeratq; gradum.
 Cui hoc? à teneris, dicunt, assuescere multum
 Iste puer schidias, matre iubente, tulit. (est:

In Crucem agitur.

Cingite mente crucem, quos mons habet iste
 nefastus,

Atque nouum CHRISTI cernite Martyrium;
 Saucia per longam tenduntur membra de-
 cussim,

Nonque foraminibus, pesque, manusque
 subest.

Et tamen oppugnat, Paphios prostermit & ho-
 stes,

Militiæ socios, vos cupit esse suæ.

Ergo agite, atq; Duci fortes assistite vestro;
 Dedecus egregio est Principe, deficere.

Cruci affigitur.

Illane dextra Dei fuerat terebrata potentis?
 Quâ fabricante stetit Mundus, olympus,
 Homo?

Quis

Quis tantum poterat clauus? quis malleus iste
Vsq̃ue adeoq̃; potens, vsq̃; adeoq̃; grauis?
Incubat huic dextræ mundus, cælumq̃ue,
salumq̃ue;

Nec tamen hoc tanto pondere pressa ruit;
Malleus incubuit; subito pes rumpitur eheu!
Tamné grauis dextræ malleus iste Dei?
Culparum grauitas fortassis adhæserat illi?
Sic est. hoc potuit pondere dextra premi.

Clauis vulneratur.

Vos quoq̃ue fatiferi pungentia spicula ferri,
Scribitis immeritis membra sacra notis.
Parcite, iam satis est pænæ, satis atq̃; dolorum,
Sin minus; hæc cordi vulnera ferte meo.
Cælorum claues, si clauis frangitis: ergo
Nec vobis locus hîc, nec super astra datur.

Manus habet perfossas.

Quid nutris, mortale genus, pro corde dolorē?
Transfixæ Christo, sint quod vtræq̃; manus?
Eugecanas potiùs. nam dextra forata Tonantis,
Donorum poterit nil retinere poli.

Pedes fert traiectos.

In Cruce probrosâ, Christi pendentis acutus
Perfodit plantas, clauus vtrasq̃ue Dei.

Sed bonè providit nobis, qui labimur, atque
 Pigrantes turpi tollimur à scelere :
 Non poterit iustas scelerum cito sumere pæ-
 nas,
 Tardabunt gressus vulnera namq; pedum.

Felle, & aceto potatur.

Exclamat IESVS, altâ meriturus in orno,
 Prò, sitio ! vexat torrida labra dolor.
 Dixerat. insanus miles propinat acetum,
 O tristis potus, sed magis improbitas !

Inclinat caput.

Inclinas quod Christe caput, faciemq; stur-
 pesco,
 Sedulus & causam quæro, nec inuenio.
 An quia confixit nostri Te magna cupido,
 Nosita in amplexus, pendulus inde vocas ?
 En dextram cupidus IESV tibi porrigo, viuam;
 Te sine mî tantum vivere non liceat.

Moritur.

Extollunt libri quendam super æthera seruû,
 Viueret vt Dominus, maluit ipse mori.
 Quid dicam, Christus quanto celebrandus
 honore,
 Pro seruis qui sic maluit ipse mori ?
 Pro

Pro Domino hic vitam posuit, nam debuit,
altus

Vitam pro seruis obtulit ipse Deus.
Tantus amor Christi, rerum cui summa po-
testas!

Ipse subit mortem, ne moriatur homo.

Lancea percutitur.

Vt Pater excelsa despexit ab æthere mundum,

Et Nati vidit pendula membra sui;

Hæcine Nate tuis solvantur præmia factis?

Hæc meritis tibi debita iusta tuis?

Dixit. & extemplo Christi latus hasta forauit,

Restabat solus, scilicet iste furor.

Lancea, sit sælix. magis est hæc Porta. beatas

Hac sine, quis potis est visere delicias?

E latere fundit aquam, & sanguinem.

Cur tua Christe nouo concedis pectora leto?

Non sudasse satis membra cruore fuit?

Sanguine, vel ruptis venis, demergere carnem?

Nec non exosis sordibus, ora dare?

Ast exangue latus permittens cuspide frangi,

Cur sanguen' fundis; quem comitatura qua?

Sanguinis est feruor, circa penctralia cordis

Ira; canit cunctis magnus Aristoteles.

Eijcit hanc igitur totam de pectore, Mundum

Qua licet ingratum, posset amare magis.

Multa tulit, fecitq̃e Deus pro gente scelestâ,
Hoc nî fecisset, fecerat ille nihil.

Sepelitur.

Iusta Redemptori soluuntur. Munde, potestne
Obsequium tantum soluere gaza tua?
Soluuntur, pretium poscis, quod contulit
orbis?
Contemptus grandes, vulnera mille, necem.
Obsequium tali pretio si Munde rependis?
Non Deus, at Dæmon seruiat inde tibi.

In Christi tumulum.

Ego creo calos novos, Isaïæ 65. v. 17.

Cælorum formare novos, ô Christe, coluros
Nil opus. est cælum, flebilis vrna, nouum.
Nam si Te, Solem : si vulnera, sidera: Matrem,
Dicimus & Lunam? En cuncta habet hic
tumulus.

Ad Iudam.

Oscula plena doli properas, fur improbe, falsis
Ec verbis blandam fingis amicitiam.
Falli posse putas Christum, dum fingis amorẽ?
Scit benè, quod sint hæc oscula, Proditio.

In

In funes.

Plaudite mortales, quos turpis noxa remordet
Nec petit absolui, conduplicata nisi.
Ambas ecce manus funis constrinxit IESV;
Plectere non poterit crimina vestra statim.

Ad columnam.

Quis magis in culpâ? Iudæi fortiter ictus
Congeminant, at tu sacra columna tenes?
Qui tenet infentem furibundis hostibus, ille
Non minùs, imò magis dicitur esse reus.
Cur igitur retines illum, qui spontè steterisset?
Anne defessus corruat? esto. Tene.

In Iudam.

Si tantum placuit, Iuda, pendere scelestæ:
Et placuit turpem frangere recte gulam,
Impie, quò Christum vendis, quasi vero mino-
Hic restis pretio, non potuisset emi? (re

Ad Coronam.

O diadema novum, nullum cui par erat vna
quam,
Quod fecit furijs exagitata phalanx;
Tunè Deicapiti patiêre corona reponi?
Vis ambire tui tempora tunè Dei?

C 5

Nolles

Nolles hoc credo, nec forsitan ausa fuisses :
 Ni subtracta tibi vis tua magna foret.
 Cingere frontem ergo debeas (miserabile certè)
 Noluit, hinc culpâ ; cùm sit adacta, vacat.

Ad Christi carnifices.

In cruce sublimi, cur figis pectus IESV ?
 Dic mihi, quid fecit, turba scelestâ, mali ?
 Tanta tibi in Christum concessa licentia ? sum-
 Ton' aude factus dilaniare Dei ? (mi
 Fige eum potius turba ; infontemq ; relinque
 Impia ; nil Christum nam meruisse scias.

Ad Longinum.

Hastanè Longini fœlix, Longinus an ipse,
 Diuinum laniat quo stimulante latus,
 Hæreo. sed credas, oculus fœlicior ictu
 Tunc Longine tuus ni foret ; hasta foret.

In Iudam.

Narraris verpis, ô Iuda, vendere Christum,
 Non credo, gratis das latro quippè Deum.
 En, inquis, nummos habeo triginta: quid inde ?
 Adde super Mundum, gratis inique dares.

In Spongiam.

Fœlici prognata loco, per spongia fœlix.
 Tangere quæ poteras membra sacrata Dei.
 Orbi-

Orbicolis fies puto pretiosior auro,
Nam poteris scelerum sola leuare sitim.

Ad Lanceam.

Lancea, quid rumpis pectus, latus atque sa-
cratum?

Elicis & fontem sanguinis inde sacri?
Nostra feri potius; fluat ut sic noxius humor,
Sanguine nil Christi sanius esse potest.

In Crucem.

Quæ te, tam celebris generauit sylua, recisum
A trunco lignum? quæ manus inseruit?
Fors nemo illud erat sacrum, diuisq; dicatum,
Protulit & quæ Te terra, beata fuit. (bra;
Si dignum Christi nunc es contingere mem-
Crediderim posthac te meruisse polum.

In hastam Longini.

Te quis at infauistam, turpem, vigilemque
putabit,

Dira cruentatum dum peris hasta latus?
Sanctior vlla fuit te, nec pretiosior hasta,
Exhinc, diducto vulnere, sancta manes.

In Iudam.

Desperans animam Sathianæ, corpusq; dicauit
Iudas; & verpis munere marsupium.

Omnia

Pergite tortores, carnem lacerare sacratam;
Hic amor, hic pietas, hic latet omne bonum.

Ad Crucem.

Num tuus hic fructus; longè pulcherrima
quercus?

Arbor non pomo par tulit vlla tuo,
Tu quoque; caelesti regione fuisset in hosce
Ni missum ramos, tale nihil dederas.

Ad Longinum.

Corpus in exanimum cur sauis lumine capte?
Cur sacro lateri lancea fixa steric? (tem?
Quid remorare sacrum præcluso vulnere fon-
Eripe, non aliter profluet inde Salus.

In Crucem.

Cur Christum retines cæli, terræque Mo-
narcham

Arbor, nec Domini cur miserere tui?
Nec volo, nec possum. certissima nascitur inde
Vita, salutæque tibi; gloria Summa mihi.

Ad peccatorem.

Ne scelerum pænas Stygias, ne fata suprema,
Extimeas, quisquis corda nefanda geris.

Ne

Ne p̄nas etenim pendas, iam pendet IESVS
In cruce, vult pro te, ne moriari, mori.

In Iudam.

Per mediũ, Iuda, disruptus ab arbore pendes,
Credo vides, fructus quis sit Avaritiæ.

Ad Veronicam.

Ora Dei strophio curas abstergere sputis,
Concreto madidas, atque cruore genas,
Solvitur obsequium. Minimum sic ille laborẽ
Solvit, veram eius nam capis effigiem.

Ad IESV Mpendentem.

Gemmea Principibus regnorum insignia
dantur:

Cruce, clavi, spinæ, purpura trita Deo,
Baiano Reges etiam gradiuntur in ostro:
Rex Regum moriens in cruce pendet inops.
Qualia pro meritis tandem tibi dona rependã?
Totum cor IESV, pro cruce figo tuã.

*Maria Magdalene ad Christum
Cruci affixum.*

Occidis æterni soboles æterna Parentis,
Dum pro me pateris, vulnera, flagra, crucem.
Mors

Mors tua, vita mihi; membris, cruor esto
lauacrum,

Merfa luto scelerum, quæ iacuerê diu.


Me comitante Crucem porras, morisqûe vi-
dente;

Fac, precor, ingrediar te comitante polos.

In Amorem.

Quid non audet Amor? vias
Spinis, aut adamantibus
Septas indomitis init
Acer, tristia nec timet
Iræ vulnera, compedes
Hic lucrum putat optimum,
Mercedemqûe laboribus
Mortis. Num sit amor cupis
Verus nosse? vias ferox
Inuictus premit, horridis
Obstet semita cotibus,
Sursum fulmina sæuiant,
Orei sub pedibus fremant
Monstra: non superabitur
Verus, celsior omnibus
Stabit, tutus & in malis.
Talem solus habet DEVS,
Mundus non habet? en habet.





Ad Zoilum.


*Detrahis, insimulas, mentiris, fingis, &
auges.*


Factum Cretenfi, dixero, te esse luto.

Ad eundem.

*Zoile, condoleo quod passim stultius haberis,
Vis dici prudens? disce tacere prius.*


A. M. D. G.






18425.1
6.871







Biblioteka Jagiellońska



stdr0010308

